


83 E





Recueil 3. *[illegible]*

Exv
89

~~2925~~

~~V398~~

E. 839.

L. Pequiriz de ^{multis aliis} ^{is duran} ~~20th~~ de
Mathematicis

Cath. 77 - Pige. - 3th



.P.

Rec. 3. pieces

1. *Ortwinus gratij sine chavitationi gemma*

2. *Ortwinus gratij sine chavitationi gemma*

1. *Ortwinus gratij sine chavitationi gemma*
pronosticationum super orizontem generalem
et specialem ad magnum annum platonis
duvans exclusive . 1417. livre burlesque


2. *pronostication avec l'almanac perpetuel pour trouver*
pasques les douzes signes, jours fortunés. et la
flaubotomie pour conserver le corps en sante

3. *thesaurus musias . messane 1500*

Monast'ication perpetuelle

Composée par les anciens & espers Astro-
logues. Avec vng Almanach perpetuel.
pour trouuer Pasques. Des douze sign.

Jours mal fortunez selon sydzac & Dictago. & Pour trouuer tant de iour que de nuyt: quelle planette regne. Aussi la fleubotomie de maistr Anthoine Baugnon. pour conseruer le corps humain en sante



¶ S'ensuit la declaration de la Roue precedente



Este cy est la Roue de fortune vraie: approuvee & diffinie p science & p rayson Laquelle a este traictee d illustre philosophe Pythagore: p laquelle tu pourras scavoir toutes les choses du monde q tu veulx entēdre. ¶ Si tu veulx scavoir si Vng malade doit guerir ou mourir. Sil est bon a faire Voyage: ou si Vne femme ensaincte doit faire masse ou fille. Ou si Vng amāt doit avoir celle ql ayne. Si lon doit trouver Vng larcin: ou faire Vne cōpaignie: ou prēdre femme. Si Vng seruiteur sen va ou demourera avec son maistre: et ainsi de toutes choses q tu Vouldras scavoir. ¶ Du malade aduises a cōbien de iours de la lune il sera tōbe en maladie: & ql iour de la sepmaine: & resgarde son nō & le planete: car chescū ior de la sepmaine a sa planete: cōme Vo^r Verrez cy ap̄s. ¶ Et p̄mieremēt prēs le nōbre de son nō leq̄l tu trouueras en la roue de la Bc. & prēs la p̄miere lettre de son nō soit hōme ou femme. Sil a nō Anthoyne prens A et faictz ainsi des autres. Et p̄ys prēs le nōbre q est dessus la lettre: p̄ys prēs tāt d iours q aura la lune: & ap̄s lieue le nōbre du ior & le nōbre du planete: et partz to^r les nōbres dessuditz par trēte: & ce q tauācera de. xxx. en sus Regard ded la Roue: si le nōbre est de la ptie au dessus la Roue le malade guerira: & sil est trouue de la ptie dessoubz: il mourra ou sera en dangier de mort. Et p̄ainsi faictz de toutes autres choses q tu Vouldras scavoir. ¶ Si lamāt aura celle ql ayne ou nō. Prens le iour q tu ten amouras: & son nō: & a cōbien de iours de la lune & le planete: et prēs to^r les nōbres q la Roue tēseignera: & partz p trēte cōme dessus est dict et de ce que tauācera regarDES en la Roue si tu doitz avoir ta m̄ye le nōbre sera de la moitie de la roue au dessus: & situ ne le doitz avoir: il sera de la partie dessoubz en la Roue. ¶ Et semblablement si tu veulx faire Vng Voyage: regarDe le iour & ion nō: & a cōbien de iours de la lune & le planete. Et ainsi faitz ḡnallēmēt de toutes autres choses q tu Vouldras scavoir. Laquelle Roue est Verifiee par rayson: & approuvee p science: & diffinee p iugemēt: & experimētee par euidence & cours naturel: moyen la grace de nostre sei ḡr. Iesucrist. Laquelle Roue: & iours perilleux: aussi la table de Pasques: a este diligēment cōposee par moy Frācoys Alięrr: & traictee des anciēns infailibles aucteurs. &c.

¶ Planettes

Saturne	lv
Jupiter	lxxviii.
Mars	lxxix.
Soleil	lxxxi.
Venus	lxxv.
Mercur	lxxiii.
Lune	lxxv.

¶ Les iours

Samedy	lxxv.
Jeudy.	lxxvi.
Mardy	lxxvii.
Dymenche	lxxviii.
Vendredy	lxxviii.
Mecredy	lxxix.
Lundy	lxxv.

¶ Les choses contenues en ce present liure. Premièrement de calamite / cherte / et abondance de biens.

Sil les halendes de Januier se treuvent par Dymenche. L'uyet sera chault. Le Printemps humide. L'este & Autopne ventueux. Le ble sera a bon marche: & assez souffisamment de bestial De miel a souffisance: & abondance de poys febues &c. Il sera assez vin: mais les fruitz des iardins periront.

Il seront guerres. & beaucoup de larrecins se perpetreront. L'on ourra plusieurs choses nouvelles. Les Roys et princes seront en paix.

¶ Si les halendes de Januier sont le Lundy. L'uyet sera commun. Le printemps & L'este attrempez: mais il seront inondations de euez. Et regneront grandes & griesuez maladies & plusieurs alterations de mauys. Et beaucoup de grâdes dames seront en grâde melancolie et tristesse. Il y aura grâdes glaces. La vendage ne sera pas bone. Les blez seront a commun pris. Les mouchez a miel mourront.

¶ Si les halendes de Januier entrêt le Mardy. L'uyet sera grant: avec grandes broillatz & negez. Le printemps & L'este humides. L'autopne sec. Le froment chier. La vendage moyene. Sera peu de bestial. Les bastcaux sur mer seront en dangier de petit. Le lin sera chier. Il seront de grans feuz. La peste regnera en Italie en plusieurs lieux. De pesaille sera assez souffisamment. Dhuyfle assez. Les romains seront troubles. Sera mortalite de femmes. Nulcuns Roys et princes mourront.

¶ Quant les halendes de Januier seront par mercredy. Les blez seront bons & a bon marche. Vendage abondance. Discorde sera entre les gres litterez: touteffois il prouffiteront & seront bon fruit de leurs estudes. L'uyet sera chault. Le printemps humide. L'este bon. Autopne attrepe. Le temps sera dangereux de beaucoup de fieures. Sera mortaliue de ieunes femmes. Famine regnera en plusieurs lieux. Les

jeunes gens tomberont en plusieurs maux & incouveniens. Il ne sera quasi point de miel.

¶ Si le Jeudy seront halendes de Janvier: il sera grande abondance de fructz. La chair & le lin seront chiers. Et sera abondance de pommes: et nō point trop de miel. ¶ L'uyver sera attrēpe. Le printēps Vēteulx. L'este chault. Autōpne bon. & ne seront point grandes eueuz: Dhuysle sera a souffisance. Peu de pesaille: mais il sera abondance de tous aultres bledz. Et celle annee plusieurs Roys & princes mourront. Et sera paiz par tout.

¶ Si en Vendredy seront halendes de Janvier: celle annee luyver sa uancera. Le printēps sera bon. L'este & Autōpne seront secz. Les bledz et Vins seront a bon marche: & regnera maladie des yeux. Plusieurs enfans mourront. Il seront guerres & batailles & meurdre de gens. Lon voyagera dūg royaume: ou cōtree a l'autre. Dāgier aux roy aulmes. Les bestes & mouches a miel periront.

¶ Si les halendes de Janvier seront par Samedy: celluy an Luyver sera Vēteulx. Le printēps sera long. L'este Variable & humide. Autompne sec. Le fromēt sera chier. Peu de vendenge. Regneront beaucoup de fieures tierces & quartes. Les vielles gēs mourront. Les lins seront chiers. De pesaille sera moyēnemēt. Plusieurs grans feulx sallumeront en plusieurs lieux & maysons aux Villes & pays. Il sera beaucoup de fructz.

¶ Item notes Que quant il parle des halendes de Janvier: dysant. Quant les halendes de Janvier seront par dimēche. Lundy. Martdy. Mercredy &c. Il sentend q̄ quant le p̄mier iour de l'an entre par Dy menche. Lundy. Martdy. &c. il seront telles choses & telles &c. cōment il est dit dessus.

¶ Sachez aussi q̄ toutes halendes dūg chascun moys: quel q̄ soit: cōmencent tousiours les halendes le p̄mier iour du moys &c.

¶ Aultre Reigle.

Semblablement si auxdictes halendes de Janvier il tonne au ciel: pronōce & manifeste q̄ celle annee il aura plusieurs Vētz chaultz: & sera asses d'blez. Et signifie grādes guerres aduenir.

¶ Si lōne aux halendes de Feurier: pronōce & manifeste aduenir de grandes maladies: de pestilences: & specialēmēt entre les riches.

¶ Si aux halendes de Mars sont faictz tonnoirres. Sera celle annee abōdāte en fromentz & tous aultres fructz. Et prononce que en

tre les gens seront grandes noyses & discordes.

¶ Item Si aux halendes Dauril il aye tonne ou tonne: signifie que toute celle année de buoir estre fructueuse et ioyeuse en toutes choses Pareillement paiz: & abondance de tous biens.

¶ Si il tōne aux halendes de May: pronōce & signifie q̄ celle année sera grāde pouurete: grāde famine & chierete. Et grandes guerres et batailles ouuertes.

¶ Item Si il tonne aux halendes de Juing: cela manifeste & signifie q̄ celle année seront batailles & seditiōs. Il regnera aussi mortalite soubdayne: & plusieurs autres maux.

¶ Si aux halendes de Juillet sont faict tōnoirres: cela signifie que celle année sera bonne dentree de tous bledz & Vins. Mais bestial et mouches a miel seront en grand dangier.

¶ Item Si aux halendes Daoust seront ouyz tonnoirres: prononce et signifie totallemēt regner grandes maladies: chier temps: & beaucoup de maux.

¶ Et si aux halendes de Septembre il tonne: manifeste & signifie que celle année sera abōdante de toute malice. Et que seront faictz grandes batailles & occision d'hommes.

¶ Item Si il tonne aux halendes Doctobre: signifie que toute l'année sera Venteuse grandement. Les viures bons: mais peu de fructz.

¶ Item Si aux halendes de Novembre soient faictz Tonnoirres au ciel: signifie que celle année sera abōdante de tous biens & fructz Et sera ioyeuse & paysible.

¶ Pareillement si aux halendes de Decembre il tonne: l'année sera semblable a la deuant dicte: en tous biens. &c.

¶ Par ces signes dessus ditz peult estre facilement congneu ce que doit estre ou aduenir toute l'année. tant en bien que en mal. Lesquelz signes sont vrayes & approuues: & des anciens sages experimētes et de hault du ciel manifestes: & selon la science Verifies.

¶ Des Jours mal fortunez.

Ensuyuent les iours mal fortunez: lesq̄lz des auteurs generalement sont appelez dangereux: auxq̄lz iours si aucun tombera en maladie: il ne guerira point ou vrayement il languira & aura longue maladie. Et si aucuns enfans naistront en telz iours ne viuront poinct: et si viuent: ilz seront tousiours pources toute leur vie. Et si aucun sortiroit de sa

A.m

mayson pour soy remuer et demourer en vng aultre lieu: ou sil vou
loit aler par pays: soit par mer ou par terre: il tombera en grans u
conueniens & pouurete: & tousiours ira de mal en pis. Pourquoy
aussy en telz iours ne achetez: ne platez: ne faictes point de banquet:
ne chose de quoy lon espere dauoir bone fin. Et sont estes telz iours
approuues. &c.

¶ En Ianuier: le. iiii. B. ix. xiii.

¶ Feurier a suspectz. le. xiii. p. vii. xix.

¶ En Mars le. vii. xiii. p. v. xix.

¶ Avril a de perilleux le. v. & le. xiiii.

¶ May a de perilleux le. vii. & le. xiiii.

¶ En Iuing est dangereux le. vi. iour. ¶ Decembre a le. vi. & xi.

¶ Juillet: le. p. vi. & p. ix.

¶ En Aoust le. vii. & p. vi.

¶ Septembre le. i. p. v. & p. vi.

¶ Octobre a le: p. vi.

¶ Nouëbre le. p. v. & le. p. vi.

¶ Pour trouuer Pasques.



Il fault noter les vers icy dessoubz escriptz: car ilz
oy dōnent la maniere pour scauoir quant seront.
Pasques en quel tēps: en q̄l. moys & en q̄l. iour. Et
il est a scauoir q̄ tōles nōs qui finissent en m. signi
fie que Pasq̄s doit Venir en Mars. Et tous les
autres nōs lesq̄ls finissent en aultre lettre: sentend
quil dient en Avril. Pour quoy q̄ pasques ne peult

Venir si non en mare ou Dauril. Et sachez que vng chascū nō deno
te vng an: & vng chascū nō tēseigne a trouuer ladicte Pasque: & a
quel iour du moys. Mais il fault faire en la sorte & maniere q̄ sensuyt
Prenez la p̄miere lettre du nō tousiours puis Va sus l'alphabet de
la b c. & cōmence a compter en A iusq̄s a tant que tu paruiens a celle
lettre qui faict le cōmēcemēt du nō: & tant de lettres cōment tu trou
ueras deuāt celle la: tant de iours dedās le moys serōt deuāt Pasq̄s

A b c d e f g h i k l m n o p q r s t u v x y z & 9 2

Titire. Linge. Capros. Aperijsidia. Grande. Beatam.

Tigna. Treant. Fumum. Peti. Arantes. Teneus.

Mil. Bc. i. M. Bc. n. a p p v n 10². M. Bc. 3. Bc. im. Bc. v. Bc. vi. Bc. vii.
Lex Etiam. Quare. Gessit. zenophom. Maror. Dixit

M. B. c. v m. M. B. c. ix. a p p xi. 10². M. cccc. xi. Mil. cccc. xii.

zefferus. Humeres. Animatum. Vere. Ligustrat

1513 a xvii. iours

Estum.

1514

2515

1516

1517

1518

1519

Querit. Humus. zipsun. Mons. Depunit. Et.

1520 1521 1522 1523 1524 1525 1526
 Humor. Mercur. Diolans. Edit. Querat. Quadrantes. Ante.
 M. B. p. p. v. n. p. p. p. a. p. p. v. n. v. c. p. p. p. p. p. p. i. p. p. p. n. a. p. p. p. i. to.
 pantes. Means. Dominum. Reneat. Inopinus. Amorem.
 M. c. c. c. c. p. p. p. m. p. p. p. m. p. p. p. v. a. p. p. v. m. i. o. s. p. p. p. v. i. p. p. p. v. n. p. p. p. v. m.
 Niticorap. Erant. Dominum. Querit. Arte. zenophum.

Et puis retourne au cōmencemēt des vs & compte ainsi tousiours.
 ¶ Item il fault aussi noter. Que sont aucuns desdictz noms desquelz la premiere lettre ne court pas au nōbre de A b c. car des lettres de la b c. ne sont si non. p. p. v. i. & Pasque peult Venir a. p. p. p. et a p. p. p. i. & a. p. p. v. i. i. & c. Pourquoy telz iours q̄ trespasent la b c setrouuera dessus le nom en escript a tāt de iours & a q̄l iour serōt pasq̄s

¶ Des Signes du zodiaque / & Planetes.

Aries. Taurus. Gemini. Cancer.
 Leo. Virgo. Libra. Scorpio. Sagittari⁹.
 Capricorn⁹. Aquari⁹. Piscis.



Saches q̄ le. Soleil demeure en vng chascun de ces signes p. p. p. iours. Et la Lune deux iours & demy et faict mutation avec le temps.

¶ Item saches que quatre desdictz signes s'appellent masculins: lesquels sont. Sagittaire. Libra. Leo. & Gemini. Et quatre s'appellent femenins: cest. Taurus. Cancer. Virgo et Piscis. Et les autres quatre s'appellent masculins et femenins: cōme sont Aries. Scorpio. Capricornus & Aquarius.
 ¶ Item saches aussi que trois des dessusdictz signes tiennent de la nature du p̄mier elemēt: quest du feu. Cest a scauoir Aries. Sagittaire & Leo. car ilz sont chaultz & secz comme le feu. ¶ Les autres trois appartiennent au second elemēt: quest L'air: lesquels sont chaultz et humides comme luy. Ceulx sont. Gemini. Libra. & Aquarius.
 ¶ Et trois diceulx appartiennent au tiers element: quest la terre. cest a scauoir Taurus. Virgo. & Capricornus. lesquels sont froitz & secz cōme la terra. ¶ Les autres appartiennent au quatriesme element: quest L'eau: lesquels sont Cancer. Scorpio. & Piscis. Car. ilz sont froitz & humides cōme l'eau.

A. m.

¶ Item saches aussi q̄ quatre de ces signes sont fermes & estables
lesq̄lz sont. Taurus. Leo. Scorpio et. Aquarius. Et ceulx cy sont
fort mauuais a tout ce que l'homme veult faire ou la femme quāt la
lune est en aucun de ces signes: laquelle demeure en chascun signe
deux iours & demy: cōmēt dessus est dict. Excepte que en ces signes
il faict bon labourer la terre: semer & edifier: de faire pontz & choses
fermes & estables. Mais il n'est pas bon de acheter ne de vendre. &c.
¶ Item quatre des signes dessusdictz sont moyens ou indifferēs: cō
ment Gemini. Virgo. Sagittaire & Pisci. En ces signes faict bō
a cōmencer ou traicter choses mouuātes. Mais de vendre ny d'ache
ter il n'est pas bon. ¶ Au signe de Gemini faictz tout ce q̄ tu vou
dras: car il te prouffitera beaucoup. ¶ Au signe de Taurus. & Ari
es si tu veulx aller en q̄lq̄ part: allez hardiemēt: car tu trouueras ce
que tu desireras. ¶ Au signe de Pisci est bon faire tout ce que tu
voudras: car tout te viendra a bonne fin.

¶ Des heures du iour & de la nuict.



Ly test demonstre de toutes les heures du iour et de la
nuict: lesquelles sont masculines: & lesquelles sont fe
menines. Et saches que si tu veulx demāder ou obte
nir grace d'aucune dame: ou que tu luy veulx mander
aucune chose pour obtenir ce que tu demāderas d'elle. Ne le faictz
pas nullemēt: ne luy mādes ou demādes riens: quāt la lune est au
signe masculin: lesq̄lz iay desia notes cy dessus. Et semblablemēt
faictz quil ne soit pas en heure masculine. Mais si tu veulx obte
nir aucune chose d'aucune dame: il fault q̄ tu le facez: ou mandes
ce que tu voudras: en signe femenin & heure femenine: & par ainsi tu
obtiendras bon effect de tout ton desir.

¶ Item si tu veulx demander ou obtenir grace pour aucunes tes
affaires: a aucun seigneur ou seigneurie: ou officier: reguardez q̄ tu ny
allez point quant la lune sera en signe femenin: mais demande ce q̄
tu veulx en signe masculin & heure masculine: & ainsi faisant tu ob
tiendras ta demande.

¶ Item saches q̄ la p̄miere heure du iour: cest la.iiii. heure selon le
calcule dytalie. Mais nous cōmencons a la mynuict. La p̄miere est
masculine. La secōde femenine. La tierce masculine. La.iiii. femine.

nine. La. V. masculine. La. Vi. feminine. La. Vii. masculine. La. Viii. feminine. Et ainsi consequemment iusques a la fin

¶ Item Toutes les heures: tant du iour q̄ de la nuict nombres en telle maniere: quel quilz soient. Toutes celles qui sont en nombre dispar: sont masculines: & les heures en nombre per: sont feminines.

¶ Table pour scauoir quelle Planete regne chascune heure/ tant du iour que de la nuict,

Dimanche	Sol.	Den.	merc.	Luna	Sat.	Jupi.	mar.	Sol.	Den.	merc.	Luna	Sat.
Jeudi	Jupi.	mar.	Sol.	Den.	merc.	Luna	Sat.	Jupi.	mar.	Sol.	Den.	merc.
Lundi.	Luna	Sat.	Jupi.	mar.	Sol.	Den.	merc.	Luna	Sat.	Jupi.	mar.	Sol.
Vendredi.	Den.	merc.	Luna	Sat.	Jupi.	mar.	Sol.	Den.	merc.	Luna	Sat.	Jupi.
Mardi	mar.	Sol.	Den.	merc.	Luna	Sat.	Jupi.	mar.	Sol.	Den.	merc.	Luna
Samedi	Sat.	Jupi.	mar.	Sol.	Den.	merc.	Luna	Sat.	Jupi.	mar.	Sol.	Den.
Mercredi.	merc.	Luna	Sat.	Jupi.	mar.	Sol.	Den.	merc.	Luna	Sat.	Jupi.	mar.
Les heures	i	ii	iii	iiii	v	vi	vii	viii	ix	x	xi	xii

¶ Sensuyt la description de la table laquelle monstre a cognoistre sans faillir/ a quel iour et a quelle heure Vne chascune planete regne Et pour entendre ladicte table/regarde a quel iour tu es de la sepmaine et que le heure il est du iour. Les iours sont escriptz au coste de la table/et les heures au dessoubz par nombre.

¶ Si tu es au dimanche / prens le dimanche sur la table / et la ligne
 quelle regardera tu la prendras tout au long pour le iour dessusdict
 commençant a la mynuit et tirât iusques au midy. Et depuis le mi-
 dy iusques a mynuit fault prendre la ligne qui est au dessoubz de cel-
 le que tu auras prinse pour ton matin. Et se tu es au mercredi lequel
 au dessoubz na nulle ligne pour son midy / a l'heure prens la ligne du
 dimanche et dicelle pour suis iusques a la mynuit / & ainsi ne faudras
 aucunement. **¶** Item pour l'heure soit deuant midy ou apres / regar-
 de quelle heure du iour tu tiens / et ycelle cerche au nombre des heu-
 res / et le droit dycelle pour suis iusques tu soye droictement sur la li-
 gne que auras trouuee pour ton iour deuant midy ou apres / & la pla-
 nette que dans le carreau trouueras escripte sera iustement celle qui
 regnera presentement a l'heure / & ainsi de toutes les autres heures
 du iour.


¶ Et note que la planette qui regne a la pre-
 miere heure de matin / cest celle qui domine sur toutes les autres /
 en ce mesme iour

¶ Declaration des seigners.

¶ Item pour la sante principale de l'homme sont cy mises les figu-
 res des Veines estans sur le corps humain: tant de la partie du derrie-
 re: que de la partie de deuant: et sur chascune Veine est mise l'escrip-
 ture monstrant au quel mal et douleur la saignée d'une chascune Ve-
 ne profite pour la sante de l'homme. ainsi que apres sensuyt.

¶ Item note que toutes les Veines des bras se doiuent seigner a
 icun pour cause dinconuenient: et aussi la saluatielle des mains.

¶ Demonstration et figure des Veines du deuât & de leurs Vertus



La Vaine du front vault a la migraine au mal de
 teste a la po. des yeulx. Celle des angles de loeil a
 la veue et aux yeulx.
¶ Celle du nez a la rougeur & aux boutons du Vi-
 sa. & a l'infec. du cueur.
¶ Les. ii. des leures aux dens & genci. & a la reume
¶ La cōmune a la teste a l'estomach & aux costez.
¶ La basilique aux espaulles au foye a la ratte et
 comprime le sang.
¶ Celle du pouce a la teste: & aux yeulx.
¶ Celle des aygnes a l'inflammatio des reins & geni
¶ La sefane a la retentiō du sang menstrual & con

tre la douleur des genitoires.

¶ Les. ii. des temples aux oyex & profitent a la veue

¶ Les. ii. de la ioie a la roigne et pustules de la teste.

¶ Les. ii. dessous la langue aux apo. de la bouche.

¶ Les. ii. dessous le menton aux mapilles.

¶ Celle du coste aux inguines.

¶ La basilicque pour le foye

¶ La circulaire cōtre fièvre tierce et quarte

¶ Celle du pouce a la teste et es yeulx.


¶ Celle du membre viril au temperament du cuer

¶ Celles des genouix aux reins a la vessie es aynes

¶ Celles sous les talons aux loinctures et cuisses.

¶ Celle du gros arteil aux pust. et mal des cuisses.

¶ Démonstration & figure des Veines du derriere & de leurs Vertus



Finis

¶ S'ensuit la table du contenu en ce present liure.

Premierement d'ung Jugement Vray et approuue le quel durera
a tousioursmais. De calamite: de abundance de biens et de charite.

¶ Item il traicte des iours malheureux: lesquelz sont dangereux
a faire toutes choses: & comment l'on se doit d'yeux garder: et les
euitier. selonc sidrac

¶ Tiercement il traicte d'une Roue de fortune bonne a cognoistre
tout ce que l'homme & la femme Vouldra cognoistre par sa auenture: &
par science approuuee.

¶ Item plus il traicte d'une nouvelle rayson pour trouver Pasques
en vers: quant & en quel temps elle Viendra: que est Vne chose fort belle
a veoir et detendre

¶ Item plus il te donne a cognoistre tous les signes & planetes
et lesquelz sont bons & lesquelz mauuais: a faire ses affaires Et soubs
quel signe ou planete tu doibz faire ou comencer tes besoignes: afin
fin q'ls soient faictz selonc ta Voulente: & que ayent bonne fin.

¶ Item en quel temps & heure q' tu Veuys obtenir grace d'ung seigneur:
ou Vrayement d'une dame: il t'enseigne la maniere: l'heure et le temps.
que est belle chose de le scauoir.


¶ Item Tu trouueras Vne table fort belle pour trouuer & scauoir
laquelle planete regne Vne chascune heure: tant du iour que de la
nuict.

¶ Item il traicte finalement de plusieurs autres belles: Vrayes et
approuuees choses: par rayson diffinies: & par science approuuees: et
par euidence experimenteres. &c.

¶ Item la fleubotomie d'maistre anthoine d'aignon. qui est Vne chose
se necessaire a tous chirurgiens.

¶ Finis.





15.

Q700.
a.g.t.



secret 3 pieces

8